

## Transkription von Stadtbucheintrag HGW 1385b

Ort, Datierung: Greifswald, 1385-??-??

Signatur: Stadtarchiv Hansestadt Greifswald, Rep. 3 Nr. 15; 150v [\[online\]](#)

Inhalt: Rat der Stadt Greifswald: privater Schiedsspruch

Bemerkung: Eintrag ohne Datum; Seitendatum ist 1385

De schelinghe vn(de) de twydracht de hinc(ik) van lubek hadde geghen her Arnd lang(hen) borghermest(er) tu g(ri)pes(wolde) de hebbe / wý veere alze her iohan lew(erenz) vn(de) arnd lang(hen) de iu(n)ghe van her arnd lang(hen) weggen borghermest(er) vorb(e)n(omed) vn(de) / wý iohan brasche vn(de) emtenaus [?] wicbold van hinc(rikes) weggen van lub(eke) alze meine vru(n)de . ghe kore(n) van beyden tzyten mid vuller macht aldus dane wýs alze hyr na screue(n) steýd en tweýg sproke(n) hebbe(n) vn(de) en twýghen / spreken alzo dat her arnd lang(hen) vortm(er) vn(de) zyne reghte(n) erfname(n) dat dorp tũ der eldena hebbe(n) vn(de) behol[den] / den scolen vn(de) vredelike(n) tũ ewyngheldesē týde(n) be sitten alze vor dessen vorb(e)n(omedē) hinc(ik) van lub(eke) vn(de) vor zyne erfname(n) / vn(de) de vorb(e)n(omede) her arnd lang(hen) scal gheue(n) dor sundergher leue wýllen vn(de) vru(n)tscop hinc(ik) van lub(eke) vorb(e)n(omed) vn(de) syne(n) / erfname(n) vppe su(n)te m(er)te(n)s dach nu neghest tũ kome(n)de výfhunderd m(ar)k pe(n)nighe de nu ghenghe vn(de) gheue zýn / w(er)re dat her arnd lang(hen) vorb(e)n(omed) edder syne erfname(n) edder de vormu(n)de(re) van erer weghene dat vare screue(ne) dorp tũ / der eldena vor kopen wolden edder vorkoften edder sulue(n) be holden wolde(n) zo sal de vorb(e)n(omede) hinc(ik) van zyn(er) vn(de) van zyn(er) / erfname(n) wegghenden koop bebreue(n)vn(de) vulborden deme koopma(n)ne edder kooplude(n) alzo dat hee vn(de) zyne erfname(n) an deme vorb(e)n(omedē) gude tũ der eldena zýk nicht scal dar ane beholden tũ ewyghen tiden hee vn(de) zyne erfname(n) vn(de) immer dar vp tũ zakende w(er)e dat de vorb(e)n(omede) her arnd edder zyne erfname(n) edder ere vormu(n)de(re) dat vorb(e)n(omede) / dorp nicht vorkoften tuschen hyr vn(de) sunte m(er)tens daghe neghest tũ kome(n)de zo scal de vorb(e)n(omede) hinc(ik) van Lubek / van zyn(er) vn(de) zyner erfname(n) weggen deme vorb(e)n(omedē) her arnd vn(de) zyne(n) erue(n) edder ere(n) vormu(n)de(re)n alzodane / breue gheue(n) alze hyr vore screue(n) ýs vn(de) we(n)ne de týd der beredinghe kumpt zo scal de vorb(e)n(omede) her arnd nýen / gheld vt gheue(n) de bref zý van hinc(ik) van zýn(er) erfname(n) weghene tũ vore(n) deme vorb(e)n(omedē) her arnde vn(de) zyne(n) / erfname(n) edder ere(n) vormu(n)de(re)n edder ereme koopma(n)ne bezegheld vortm(er) dat stücke dat in deme breuē steýd / dat sproke vppe de eldena den zýn vader heze gehold(en) heft dat scal bý zyn(er) macht bliue(n) stede vn(de) vast Screue(n) vn(de) / vulletaghenzyn alle desse vorb(e)n(omedē) dink tũ g(ri)peswolde in deme r(er)nent(er)e der baruede(n) mo(n)nyke na godes boord dusend / iar drehunderd yar in deme vyf vn(de) achte(n)tighesten yare des ande(re)n dingstedaghes na pascen vortm(er) zo heft / hyr na hinc(ik) van lubek vorb(e)n(omed) vor vs ghe wezed vn(de) heft openbaar bekannt dat her arnd langhe de iu(n)ghe heft em wol / be red de vifhundert mark van des olden her arndes weggen vn(de) dar mede zo heft sulue hinc(ik) van zýk vn(de) zyner / erfname(n) weghene deme sulue(n) arnd langh(e) deme olden dat dorp an der eldena mýd alle zyner tũ behory(n)ghe vor / vs vor laten [scr(iptu)m ... post festu(m) vte(m) katherýne]

